



Broj: 14-11-4-6880-10/23
Zenica, 07.07.2023. godine

Na osnovu članka 64. stavak (1) točka b), članka 70. stavovi (1), (3) i (6) Zakona o javnim nabavama («Službeni glasnik BiH», broj: 39/14 i 59/22) i Zapisnika o pregledu i ocjeni ponuda, broj: 14-11-4-6880-9/23 od 05.07.2023. godine, u postupku javne nabave „Nabava i isporuka desktop računara za potrebe tijela uprave Zeničko-dobojskog kantona, direktor Službe za zajedničke poslove Zeničko-dobojskog kantona, d o n o s i:

O D L U K U **o izboru najpovoljnijeg ponuđača**

1. Prihvaća se preporuka Komisije za javnu nabavu iz Zapisnika, broj: 14-11-4-6880-9/23 od 05.07.2023. godine i Ugovor o nabavi i isporuci desktop računara za potrebe tijela uprave Zeničko-dobojskog kantona dodjeljuje se ponuđaču IMTEC d.o.o. Sarajevo, kao najpovoljnijem ponuđaču, sa cijenom od 42.988,01 bez PDV-a.
2. Ponuđač kojem se dodjeljuje ugovor dužan je dostaviti dokumente iz članka 45., 46. i 47. Zakona o javnim nabavama, navedene u točki 3.1., 3.2. i 3.3. Tenderske dokumentacije, u roku od 5 (pet) dana od prijema Odluke o izboru najpovoljnijeg ponuđača.
3. Po pravosnažnosti ove odluke, a u skladu sa člankom 98. stavak (1) Zakona o javnim nabavama, izabranom ponuđaču iz točke 1. ove odluke dostavit će se prijedlog ugovora o nabavi.
4. Ova odluka objavit će se na web-stranici <http://www.zdk.ba/> istovremeno s upućivanjem ponuđačima koji su sudjelovali u postupku javne nabave, u skladu sa člankom 70. stavak (6) Zakona o javnim nabavama. Ova odluka dostavlja se svim ponuđačima koji su sudjelovali u postupku javne nabave, u skladu sa člankom 71. stavak (2) Zakona o javnim nabavama.
5. Za realizaciju ove odluke zadužuje se Služba za zajedničke poslove.

O b r a z l o ž e n j e

Postupak javne nabave „Nabava desktop računara za potrebe tijela uprave Zeničko-dobojskog kantona“ pokrenut je donošenjem Odluke o pokretanju postupka javne nabave, broj: 14-11-4-6880/23 od 05.05.2023. godine.

Javna nabava je provedena putem otvorenog postupka sa predviđenim provođenjem postupka e-aukcije putem Informacijskog sustava e-Nabave. Procijenjena vrijednost nabave je 51.282,05 KM bez PDV-a.

Kriterij za dodjelu ugovora je najniža cijena tehnički zadovoljavajuće ponude, sa svim popustima i bez PDV-a.

Dana 10.05.2023. godine, objavljena je tenderska dokumentacija na portalu e-Nabave istovremeno sa objavom Obavijesti o nabavi, pod brojem: 771-1-1-4-3-14/23.

Dana 17.05.2023. godine, na protokolu Službe zaprimljena je žalba ponuđača „FCI“ d.o.o. Banja Luka na tendersku dokumentaciju.

Postupajući po žalbi, razmotreni su svi navodi iz iste, izvršen uvid u kompletnu dokumentaciju, te je izvršena analiza svakog dokaza pojedinačno i u njihovoj međusobnoj vezi, a u odnosu na navode i propisani zakonski postupak, te je utvrđeno da žalba nije osnovana te je ista sa izjašnjenjem o navodima žalbe i potpunom dokumentacijom u vezi postupka, proslijedena Uredu za razmatranje žalbi.

Dana 02.06.2023. godine Ured za razmatranje žalbi je donio Zaključak, broj: JN2-03-07-1-1248-6/23 kojim se odbacuje žalba ponuđača „FCT” d.o.o. Banja Luka kao neuredna.

Dana 15.06.2023. godine ugovorno tijelo je objavilo Ispravku za obavijest o nabavi, broj: 771-1-1-4-8-18/23.

Do 16.05.2023. godine, sa “Portala javnih nabava/nabavki BiH” www.ejn.gov.ba, tendersku dokumentaciju je preuzelo 27 ponuđača (Izvjeshće o preuzimanju tenderske dokumentacije od strane ponuđača preuzeto sa Portala javnih nabava/nabavki BiH).

Ponude su blagovremeno dostavili ponuđači:

Redni broj	Broj protokola	Naziv/ime ponuđača	Datum i sat prijema ponude
1.	14-11-4-6880-4/23	FRACTAL d.o.o. Žepče	20.06.2023. 10:50 sati
2.	14-11-4-6880-4/23	IMTEC d.o.o. Sarajevo	26.06.2023. 12:55 sati
3.	14-11-4-6880-4/23	INTER-COM d.o.o. Zenica	27.06.2023. 07:30 sati
4.	14-11-4-6880-4/23	PROCOMP d.o.o. Zenica	27.06.2023. 07:54 sati
5.	14-11-4-6880-4/23	DIGITARIJA d.o.o. Sarajevo	27.06.2023. 08:10 sati

Komisija za provođenje postupka javne nabave izvršila je detaljnu analizu blagovremeno pristiglih ponuda, te utvrdila sljedeće:

- Odbacuje se ponuda ponuđača INTER-COM d.o.o. Zenica jer ista ne ispunjava uvjete iz tehničke specifikacije tražene tenderskom dokumentacijom. Naime, ponuđač „Inter-com“ d.o.o. Zenica je u Aneksu III-Obrazac za cijenu ponude pod stavkom 1. Brandname računar-31 kom ponudio model računara HP ProDesk 400 G9.

Provjerom tehničkih specifikacija na službenim stranicama proizvođača opreme utvrđeno je da ponuda ponuđača „Inter-com“ d.o.o. Zenica ne zadovoljava u potpunosti uvjete iz tehničke specifikacije tražene tenderskom dokumentacijom. Model HP ProDesk 400 G9 predstavlja jedan od modela računara u seriji 400 G9, ali navedeni ponudeni model ne zadovoljava tehničku specifikaciju traženu tenderskom dokumentacijom u dijelu „Mjesta za uređaje“ u kojem je traženo da model računara treba da posjeduje „*minimalno 2 okvira za nosače podataka (HDD/SSD)*“, a ponudeni model računara HP ProDesk 400 G9 ima samo 1 okvir za nosače podataka (HDD/SSD).

- Odbacuje se ponuda ponuđača PROCOMP d.o.o. Zenica iz razloga što ista nije u skladu sa točkom 4.2. tenderske dokumentacije.

Točkom 4.2. tenderske dokumentacije propisano je da se *ponuda čvrsto uvezuje na način da se onemogućí naknadno vađenje ili umetanje listova. Pod čvrstim uvezom podrazumijeva se ponuda ukoričena u knjigu ili ponuda osigurana jamstvenikom. Ako je ponuda izrađena u dva ili više dijelova, svaki dio se čvrsto uvezuje na način da se onemogućí naknadno vađenje ili umetanje listova*, a ponuda ponuđača nije uvezana na gore opisani način, odnosno u istoj je moguće naknadno vaditi ili umetati listove.

- Odbacuje se ponuda ponuđača DIGITARIJA d.o.o. Sarajevo jer ista nije u skladu sa točkom 4.9. tenderske dokumentacije.

Točkom 4.9. tenderske dokumentacije propisano je da *ponude važe najmanje 90 dana od krajnjeg roka za podnošenje ponuda. Ukoliko ponuđač u ponudi ne navede rok važenja ponude, onda se smatra da je rok važenja ponude onaj koji je naveden u tenderskoj dokumentaciji. U slučaju da je period važenja ponude kraći od roka navedenog u tenderskoj dokumentaciji, ugovorno tijelo će odbiti takvu ponudu u skladu sa člankom 60. stavak (1) Zakona*, a ponuđač nije naveo propisani rok, odnosno u Obrascu za ponudu - Aneks II naveo je rok od 45 dana.



Imajući u vidu naprijed navedeno ponude ponuđača INTER-COM d.o.o. Zenica, PROCOMP d.o.o. Zenica i DIGITARIJA d.o.o. Sarajevo odbacuju se u skladu sa člankom 68. stavak (4) točka i) Zakona o javnim nabavama jer iste ne ispunjavaju zahtjeve iz tenderske dokumentacije.

Nakon izvršene evaluacije ponuda - izvršenog pregleda i ocjena ponuda, izvršen je unos prihvatljivih ponuda u Informacijski sustav e-Nabave-Portal javnih nabava/nabavki BiH.

E-aukcija je održana dana 05.07.2023. godine sa početkom u 14:00 sati i okončana je u 15:08 sati.

Početna rang lista ponuđača koji su pozvani da sudjeluju u e-aukciji je sljedeća:

Naziv ponuđača	Početna cijena u KM bez PDV-a	Rang
FRACTAL d.o.o. Žepče	50.995,00	1
IMTEC d.o.o. Sarajevo	51.270,00	2

Nakon uspješno okončane e-aukcije, a na osnovu Izvješća o tijeku i završetku e-aukcije sačinjena je rang lista ponuđača:

Naziv i sjedište ponuđača	Konačna cijena u KM bez PDV-a	Rangiranje ponude
IMTEC d.o.o. Sarajevo	42.988,01	1
FRACTAL d.o.o. Žepče	43.039,00	2

U skladu sa navedenim, Komisija je dala preporuku ugovornom tijelu za donošenje odluke o izboru ponuđača IMTEC d.o.o. Sarajevo kao najpovoljnijeg ponuđača za predmetnu nabavu.

Kako u postupku ocjene provedenog postupka nabavke nisu utvrđeni razlozi, nepravilnosti ili propusti u radu Komisije, a koji bi eventualno bili osnova za neprihvatanje preporuke Komisije, to je cijeneći sve naprijed navedeno odlučeno kao u dispozitivu ove odluke.

Pouka o pravnom lijeku

Protiv ove Odluke može se izjaviti žalba u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi, putem ovog ugovornog tijela, u pisanoj formi na način propisan člankom 99. Zakona o javnim nabavama.

Dostavljeno: 1 x Ponuđači (putem e-maila),
1 x a/a.



DIREKTOR
Miralem Redić
Miralem Redić

